

SARS yi ta pfuneta vathori na vanyikaswitiviwa swa vandla ra vunharhu ku rhumela mitiviso leyi lulameke

Tshwane, 21 Dzivamisoko 2026 – Vukorhokeri bya Xibalo bya Afrika-Dzonga (SARS), hi ku landzelela swikongomelo swa yona swa qhinga swo nyika nhlamuselo na ntiyisiso no endla swi olova no vevuka eka vahakelaxibalo ku thiransakita na nhlngano yi le ku pfuneteni ka vathori na vanyikaswitiviwa swa vandla ra vunharhu hinkwavo ku antswisa mitiviso ya vona ya switiviwa. Nkarhi wo rhumela eka tienthithi leti se wu sungurile ku sukela hi ti1 Dzivamisoko 2026 ku fikela ti 31 Mudyaxihi 2026.

Hi ntumbuluko, xikongomiso ku ve nguva yo fayila ya vanhu vona vini, hambiswiritano phurosese ya masungulo leyi kumisisaka loko ntokoto wo fayila eka vahakelaxibalo vona vini yi rhetela kumbe ku tika, loko ku ve i mhaka ya mihlahluvo leyi tiendlekelaka yo lulama, swivutiso switsongo, kumbe mikwetlembetano yitsongo, i nkarhi wa rhumelo wa vathori na vanyiki van'wana va switiviwa swa vandla ra vunharhu. Nkarhi lowu wu famba hi lembe ku sukela hi ti1 Dzivamisoko ku fikela ti 31 Mudyaxihi no lava leswaku vathori na vanyiki van'wana va switiviwa swa vandla ra vunharhu lava lerisiweke va rhumela switiviwa swa muholo na swa timali leswi xakelanaka na vahakelaxibalo vona vini eka lembexibalo leri nga hundza (01 Nyenyakulu 2025 - 28 Nyenyenyana 2026).

Vanyikaswitiviwa swa vandla ra vunharhu lava fanele ku rhumela switiviwa swa vandla ra vunharhu va katsa vathori hinkwavo, mavandla ya swa timali, tienthithi ta xiyenge xa 18A leti pfumeleriweke hi SARS, tikhooparethivhi, swikimi swa mpfuneto wa swa vutshunguri na Tithirasiti, exikarhi ka van'wana. Nongoloko lowu koxometiweke wa vanyikaswitiviwa swa vandla ra vunharhu lava lerisiweke ku rhumela ya kumeka eka [Third Party Data submission at a glance | South African Revenue Service](#).

SARS yi tiseketela hi switiviwa ku suka eka vathori na vanyiki van'wana va switiviwa swa vandla ra vunharhu ku ngenisa ku sungula no hlahluva hi ndlela leyi tiendlekelaka mitlheriso ya xibalo ya munhu ya vahakelaxibalo vona vini leswi pfumelelaka muhakelaxibalo ku tiyisisa vuxokoxoko eka ntlheriso wa vona wa xibalo va nga se rhumela. Ku ngenisa ku sungula switiviwa swa vandla ra vunharhu i goza ro sungula eka SARS ku hlahluva hi ndlela leyi tiendlekelaka kwalomuya ka 6 million wa vahakelaxibalo hi nkarhi wa lembe.

Nkarhumelo kumbe rhumelo wa switiviwa swa vandla ra vunharhu leswi nga lulamangiki swi khumba vahakelaxibalo hi ndlela yo biha, hi mhaka ya sweswo a va katsiwi eka phurosese ya nhlaluvo lowu tiendlekelaka. Loko switiviwa swa vandla ra vunharhu swi rhumeriwile hi ndlela yo lulama na hi nkarhi, vahakelaxibalo va nga hlahluviwa hi ndlela leyi tiendlekelaka, laha swi va nyikaka ntokoto wo olova wo fayila. Kwalaho swi na nkoka leswaku vathori na vanyikaswitiviwa swa vandla ra vunharhu va rhumela mahungu ma sweswinyana, mo lulama hi nkarhi.

SARS yi lemukile leswaku vathori van'wana na vanyikaswitiviwa swa vandla ra vunharhu va languteka ku ka va nga tivi swiboho swa vona swo vika no ka va nga ringanelangi ku landzelela swilaveko swa vulawuri leswi ncincancicaka. Vathori van'wana na vanyikaswitiviwa swa vandla ra vunharhu va yima ku za ku va kusuhi na siku ro pfala ku rhumela mahungu lama faneleke, laha nkarhi wun'wana swi endlaka swi tika ku ololoxa swihoxo eka switiviwa leswi nyikiweke.

Enkarhini wa nguva ya vanhu vona vini yo fayila xibalo ya 2025, switiviwa leswi nga helelangiki swi hoxile xandla eka mitiyisiso leyi landzelaka:

1. 27 436 wa mitiyisiso yi tumbuluxiwile ku ya hi tihakelo leti kayiveleke kumbe leti nga fananisiwangiki
2. 81 588 wa mitiyisiso yi tumbuluxiwile ku ya hi switiviwa swa muthori swa IRP5 leswi kayiveleke kumbe leswi nga fananisiwangiki
3. 16 819 wa mitiyisiso yi tumbuluxiwile ku ya hi switiviwa swa vutshunguri leswi kayiveleke kumbe leswi nga fananisiwangiki

Eka nguva ya 2026, SARS yi kongomise eka ncinco wa mahanyelo hi ku tiyisisa leswaku vathori na vanyikaswitiviwa swa vandla ra vunharhu va 'lulamerile ku fayila ku nga se sungula' no rhumela ka ha ri na nkarhi ku tlula eka malembe lama nga hundza. Tisexini ta nseketelo wa xithekiniki ti ta khomiwa laha vativi va SARS va nga ta pfuneta hi mirhumelo.

SARS yi hlohlotela vanyikaswitiviwa swa vandla ra vunharhu ku tirhisa tichanele ta SARS leti pfumeleriweke, ku nga:

- eFiling, hi ku tekela enhlokweni leswaku chanele leyi yi khoma nhlayo leyi pimiweke ya 25 wa tisetifikheti. Yi khoma tisetifikheti ta makumentlhanu ta IT3(d) na IT3(t)
- Connect Direct® yi khoma nhlayo leyi nga pimiwagiki ya mirhumelo ya switiviwa
- Secured File Gateway (HTTPS) yi khoma tifayili leti nga titsongo ka 10MB
- e@syfile™: Vathori, vativi va swa xibalo, na valawuri va nongoloko wa vatirhi va nga kopa vhexini ya sweswinyana leyi ndlandlamuxiweke ya e@syfile™ Employer ku suka eka webusayiti ya eFiling eka www.sarsefiling.co.za va nga se rhumela mitiviso ya vona.

Vanyikaswitiviwa swa vandla ra vunharhu va fanele ku titsarisela eFiling no tlhaviketa tichanele leti loko va nga se ti tsarisela.

Ndzetelo wo engetelela wu nga kumiwa eka swihlawulekisi swa swilaveko swa bindzu (BRS) na swiletelo swa mutirhisi eka webusayiti ya SARS eka [IT3 Data Submission | South African Revenue Service](#). Vathori va nga langutisa eka [Annual Employer Declaration process](#).

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.

MAKUMU.